



**Takatalant** nettat d ijjt n tutlayt tarumanect, cnaw tafransist, tasepanyut, tatalyanect, tarumanit d tapurtugect d ca n tutlayin nneđni. Nettat texleq jar leqrun VII d IX. Iđa ssawalen–tt di Katalunya, di Tayzirin Tibalyarin d Tmmurt Tabalansyanect n Uwanak asepanyu; di Andurra, di Agezdu afransis n Piriniws Icerqiyen d Alger, di tayzart tatalyanect n Sardinya. Iđa ssawalen–tt ca n 9 melyun n iwdan.

Takatalant nettat d tutlayt n **Katalunya**, nettat d tutlayt tunšibt cnaw tasepanyut.

Ixeša ad nessen tutlayt d inamiten n timetti weqbal, mara nfehem tutlayt tamaynut teshil xaney tamyawađet u tejja–yaney ad negg **iseynasen wudmawen imaynuten** i tssejēen abeddel d arrbeđ jaraney.

**Ayref akatalan**, deg umezruy nnes, netta zi rebda d ayref weqbal n iwdan nni ęa yedja tutlayin d tidelsanin nneđni, x manaya tqebbel s lxaťer nnes iwdan nni yexđan tammurt–a mađend ad dayes zedyen u teggen tizemmar mađend ad ssenen u ad carcen deg inamiten d tutlayt–nney, takatalant, waxxa ęar umezwaru i tili yuear cwayt. Ntearad i kenniw ad tessiwlem tutlayt takatalant, necca–awem ijj n tyawit n twinas i ęa kenniw eawnen rxansu i tlemdem.

Mara wa tfehemem mliđ min dawem qqarn, tzemarm ad tinim:

M'ho pot repetir, si us plau?  
Tzemarm ad ayi–t–teawded, mara texsed?

Mađend ad tetterm war siwilen deyya deyya, tzemarm ad tinim:

M'ho pot dir més a poc a poc?  
Tzemarm ad ayi–t–tinid cwayt cwayt, mara texsed?

Mađend ad tinim drust zeg wami tleđgem, tzemarm ad tinim:

Fa poc temps que he arribat, pot parlar més a poc a poc?  
Drust zeg wami d leđgeę, tzemarm ad tessiwled cwayt cwayt?

Ammu, iwdan nni i ssawalen takatalant, zemarm ad weqqarn lweqt wefham n kul ijjen bla abeddel n tutlayt.

Takatalant, cnaw tamaziťt, nettat d ijj n tutlayt i ęar yedja aťtas n tsefal n tantalin, maca ęars ijj n tsefelt i marra iwdan, nettat d takatalant n lwest. Ingawen–a i d awem– netqeddān urin–ten s tsefelt–a, s wexzar ęar wawal atlay n aytbab n tmmurt i tt–issawalen. I tmaziťt nessexdem tasefelt n trifect n tmmurt n Nađar s tira ugemmay alatini d ansaj aquđad i wesseen.